



Hr. Nikolaj Jeremiassen  
Inatsisartunut ilaasortaq

**Uuliamut akigititat pillugit § 37 naapertorlugu apeqquteqaammut nr. 136-imut akissuteqaat.**

17-06-2015  
Sags nr. 2015-115618  
Dok. nr. 1986469

Uuliamut akigititat pillugit apeqqut matuma kingulianiittoq Inatsisartut suleriaasianni § 37 imm. 1 naapertorlugu Naalakkersuisunut saqqummiuppat. Apeqqut uanga suliassaqarfinni akissuteqarfingeqartussanngorlugu innersuunneqarpoq.

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: isiin@nanoq.gl  
www.nanoq.gl

**1. Naalakkersuisut gasoliat, benzinallu akiinik appaasoqarnissaanik KNI-mut piunaffiginninnisaminnut pilersaaruteqarpat?**

Akissut:

Gasuuliamut aamma benzinamut akigititat KNI-p nukissianut immikkoortortaanit Polaroil-imit aalajangersarneqartarput, taamaattumillu Naalakkersuisut taamatut akigititanik aalajangersaasannigillat. Taamaattoq ilisimatitsissutigissavara uuliamut akigititat annertuussusaat pingaartitama ilagimmassuk. Taamaattumik misissueqqissaarnermik suliaqarneq aallartippara, tassani aamma siunissami innuttaasut uuliamut akigititat appasisuunissaannik qulakkeeriffingeqarnissaat siunertaralugu pilersuineranut suliassaqarfik misissorneqassalluni.

Misissueqqissaarnermik suliaqarneq kiffartuunneqarnissamut isumaqatigiissutit KNI A/S-imit isumagineqartut, ilanngullugit ikummatissamik imerpalasumik pilersuineq, atuuffissaat 2016-ip naanerani naasussat, isumaqatiginninniutigineqaaqqinnerinut ilaatillugu, ingerlanneqassapput.

Tunisassiat Namminersorlutik Oqartussat aamma KNI A/S-ip akornanni kiffartuunneqarnissamut isumaqatigiissutini pineqartunut ilaasut tassaapput: issittumi gasolie, motorinut gasolie, benzin, petroleum aamma jet A-1. Tunisassianut kiffartuunneqarnissamut isumaqatigiissummut tunngassuteqartunut pisiniarfinni akigititassat, kiffartuunneqarnissamut isumaqatigiissut naapertorlugu isertitit aningaasartuutillu kiffartuunneqarnissamut isumaqatigiissutinut tunngassuteqartut kisimik, ukiumut agguaqatigiissillugu 40 mio. koruuninik sinneqartoorteqarnissamik siunnerfeqarneq ilanngullugu, tunngavigalugit naatsorsorneqartarput.

Polaroil paasissutissiivoq ukiuni siusinnerusuni pisartutut, tunisassianut kiffartuunneqarnissamut isumaqatigiissummi pineqartunut ilaasunut eqqussorneqartussatut naatsorsuutigineqartunut 2015-imut akigititamik aalajangersimasumik isumaqatigiissuteqarsimallutik. Tamatuma saniatigut tunisassianut kiffartuunneqarnissamut isumaqatigiissummi pineqartunut ilaasunut 2015-ip kingorna eqqussorneqartussatut naatsorsuutigineqartunut tunngatillugu akigititassanut isumaqatigiissuteqartoqarpoq. Aammattaaq Polaroil paasissutissiivoq aalajangersimasumik akeqartitsinissamik isumaqatigiissutit, nunarsuarmi akigititat

allanngorarnerat apeqqutaatinnagu, piffissamut aalajangersimasumut Kalaallit Nunaanni innuttaasunut aalajaatsumik akeqartitsinissamik qulakkeereqataasarput.

Polaroil paasissutissiivoq akigititanut qulakkeerineq uuliamut suliarineqanngitsumut aammalu tunisassianut kiffartuunneqarnissamut isumaqatigiissummi pineqartunut ilaasunut uuliap suliarineqanngitsup akuiarneqarneranut akigititamut, aamma akuiaanermi assigiinngissutaasumik taaneqartartumut, akigititaasumut aalajangersimasumik akeqartitsinissamik isumaqatigiisuteqarnikkut, pisarpoq. Taamaaliornikkut aningaasartuutit nikerartut, taamaattoqanngippat Polaroilimit sunnerneqarsinnaanngitsut imaluunniit siumut eqqoriarneqarsinnaanngitsut, annertussusaat qulakkeerneqartarpoq. 2014-imi novembarimi Polaroil naliliivoq, piffissamut 2008-2014-imut aalajangersimasumik akeqartitsinermut isumaqatigiisutit inuiaqatigiit 185 mio. koruunit missaannik sipaaruteqarnerannik kinguneqarsimasut.

KNI-p tusagassiuutitigut nalunaarutaani 29. april 2015 ullulerneqartumi paasissutissiisutiginartut, Polaroil-ip ulloq 30. april 2015 aallarnerfigalugu gasuuliamut aamma benzinamut akigititaq liiterimut ataatsimut 21 øre-imik akikillivaa. Akigititamik appartitsineq taanna akigititanut isumaqatigiisutinut 2014-imut atuuttunut naleqqiullugit, 2015-imut akigititanut isumaqatigiisutit appasinnerunerat Polaroilip tunngavilersuutigaa. Tamanna 2016-imut akigititanut isumaqatigiisutinut aamma atuutissanersoq, suliap pissusissamisoornerani maannakkorpiaq eqqoriarneqarsinnaanngitsoq Polaroil paasissutissiivoq, tassami tamanna ilaatigut nuunarsuarmi niuerfimmi akigititat ineriartornerannut attuumaqqissaarpoq.

Inuussutissarsionermut, Suliffeqarnermut, Niuernermut Nunanullu Allanut Naalakkersuisoqarfiup akissuteqaat manna KNI-ip allaqatigineqarnera akissuteqarnerilu tunngavigalugit suliaraa. Tassunga atatillugu Naalakkersuisoqarfiup akit qaffasissusaat pillugit takussutissanik sukumiinerusunik pissarsisinneqarnissani qinnutigigaluarjaa. Tamannali periarfissaqarsimangilaq, tassami tamatumani aalajaatsumik akeqartitsinissamik isumaqatigiisummut toqqaannartumik paasissutissiisoqarsimangitsoq, tassami taakkua Polaroil-imit paasissutissatut mianernartutut aammalu niuernermik ingerlatsinerneq isertuussassatut isigineqarmata.

Inussiarnersumik inuulluaqqusillunga

Vittus Oujavikitsooq